

Transkription von Urkunde SAW 1497b

Ort, Datierung: Salzwedel, 1497-06-24

Signatur: Stadtarchiv Salzwedel, 267/66

Inhalt: Rat der Stadt Salzwedel: Rentenbeleg

Wie Otto vintzelberg Diderick almpkstedt Hans besendael Herme lijsten Role gladegow Hans
werckmester Cla/wes moller clawes brewitz hans groteian wilhelm wolter Cord woleman Jurgen
schulte Hoiyer wittecop Herme Chü=/den werner schermer hans meryn Gherke rademyn vnd(e)
Hinrick milges Radmann(e) to Soltwedel bokenne(n) apenbar mit / myt dusem brife tugende
voralsuem(e) Dat In vnser Jegenwardicheyt de Ersamen Otto vintzelberg Herme chuden / vpgnom(e)t
vnd(e) de dogetzam Lucia zeligen Diderick mechow nagelaten wedewe hebb(en) vorkofft recht vnd(e)
redelike(n) to / eynen rechten erffkope vorkoft ock Jegenwardigen in Crafft duses brifes Sodane Ewige
rente vnd(e) Tynse So de / g(en)ant(en) upp vnd(e) an Hans Jüngen vnd(e) Gherke witte Coppes
huser an(e) dem(e) merkede bij der hans muntersken bole=/gen hebb(en) also upp hans Jungen huse
alle jarlikes achte schilling pen(nige) vnser Stad wering(e) vnd(e) up vnd(e) ann / Gerke witte Coppes
huse Soeszteynn witte ock vnser Stad wering(e) den Ersamen werner schermer vnd(e) Diderick /
Schult(en) varstender der kerken vnser liuen fruwen bynne(n) vnser olden Stad dar vor onn(en) de
g(e)n(an)t(en) varstender Ey=/nen g(e)n(an)t(en) Su(m)men geldes wol todancke vornuget vnd(e)
botalet hebb(en) Sodan(e) achte schilling pen(nige) jarlike(r) rente scall / vnd will de g(e)n(an)t(e)
Hans Junge ofte de bositter des erscrewen huses ewichliken alle jarlikes to vjer tijden des Jares / Also
to pasken to sunte Johannis baptiste(n) Dage to Sunte Michaelis Dage vnd(e) to winachte(n) to
ichliker tijd Twee / schilling pen(nige) der erscreue(nen) wering(e) vnd(e) Gherke wittecop
vpg(e)n(an)t(e) ofte de bositt(er) des erscreue(nen) huses ewichliken sodan(e) / Soeszteynn witte de(r)
Erscreuen varstender(e)n ofte ore nhakamelingen vppe winachten sunder weddersprake vnd(e) /
Jegenrede entrichten vnd(e) botalen Dusse achte schilling pen(nige) jarliker ewiger rente vnd(e)
Soeszteynn witte jar=/liker ewiger rent(en) vnd(e) tynses scholen de g(e)n(an)t(en) varstender(e)n
vnd(e) ofte ore nakameling(en) ewichliken an der ker/ken vnser liuen fruwen upg(e)n(an)t(en) nueth
vnd(e) framenn keren vnd(e) boleggen To orkunde hebb(en) wij vnse der(e) olde(n) / Stad Ingesege
het(en) hang(en) an dusen brief Na cristi vnser Her(e)n gebord Vierteynnhundert Jar dar nha / Im(e)
Souen vnd(e) vnd(e) Negentigesten Jare am(e) Sunte Johannis baptisten dage /